

## — 489 —

herren von den wir lehen hant vngewarlichen. Her vmb so hant vnser ieglichem vnder vns, die vorgeantent, der burgermeister vnd der rate ze Friburg, an derselben stette stat gelobt ze gebende hundert guldin florentiner, vnd hant aber wir bede vmb das, ob wir deheinen verlust hetten von meiden oder von pferit wegen, oder ob wir sust andern schaden, es were von gefangnisse wegen, oder sust welcher hande schade das were, den wir oder deheiner vnder vns in irem dienste hettent, daz hant wir gesezet vffen die fromen mannen, herr Heinrich Turner, herr Walther von Falkenstein rittere, Heinrich von Kilthein den eltern, Johans Grein vnd Wöldelin Kreier. Also were daz wir oder deheiner vnder vns deheinerhande verlust oder schaden, in des rates vnd der stette dienste von Friburg, in dem vorgeantent zil hettent, wie sich das da von gefügte, was vns oder deheinem vnder vns danne die obgenantent fünfe oder der merre teil vnder inen, den rat ze Friburg an derselben stette statt, darvmb oder dafür heiffent geben vnd tuon, des söllent wir geföligig sin vnd sol vns da mit benügen, vnd globent ouch wir, das wir noch deheiner vnder vns noch nieman von vnsern wegen, die von Friburg weder sonder noch sammet noch nieman der iren, darvmb fürbas niemer bekümben, anlangen noch schadigen söllent mit deheinen sachen, noch in deheinen weg, sust noch so, bi denselben vnsern eiden ane geuerde. Vnd söllent vns ouch die obgenantent fünfe oder die an ir stat komet hervmb, ob es ze schulden keme fürderlichen erkennen, vnd were das derselben fünfer deheiner abgienge, das Got wende, so söllent wir einen andern des rates ze Friburg an des abgegangenen stat welen vnd kiesen, der danne mit den andern ouch hervmb erkenne, ob es ze schulden kunt ane alle geuerde. Herüber zuo einem vrkünde, vnd daz dise vorgeschribenen dinge war vnd stete bliben, so hant wir Hensli vnd Hartman Meyger vorgeantent, vnserere eigene in gesigel gehentet an disen brief, der gegeben wart des iares, da man zalt von gottes geburt, driehenhundert vnd drü